



- De laudibus Marcelli M. Pont. Max. Oratio
Marcelli Cerolini Politani ejus Pronepotis N. 1.
- Cosmi Minervetti Oratio funebris in Rodolphum M. N. 2.
- Oratio Francisci Bocchii de laudibus Margherite
Austrie regine Philippi III. Hispaniarum regis uoris N. 3.
- Orazione di Vieri Cerchi delle lodi di Francesco
Medici de' Principi di Toscana N. 4.
- Esequi della Maestà Cesarea dell'imperator Mattia.
Maximiliano II. de' Conti di Calcinone N. 5.
- Delle lodi di Cosimo Secondo Granduca di Tosa-
na Orazione di Nicolo' Arrighetti. N. 6.
- Per le lodi dello stesso Orazione di Pietro Accolti. N. 7.
- Per la vita e morte dello stesso Orazione di Baccio Bonfinelli. N. 8.
- Per la morte dello stesso Orazione di Francesco Guallanotti. N. 9.
- Delle lodi dell' serenissimo M.^{te} Modolana Arc.^{ve}
di Austria e Gran duc.^{ca} di Toscana Orazione di Alberto Galganetti. N. 10.
- Al serenissimo Ferdinando M. Gran duca di To-
sana per la liberazione della Peste di Firenze Pa-
re di Mario Guiducci N. 11.
- Finis.

DE LAVDIBVS
MARCELLI II. PONTIF. MAX.
O R A T I O.

MARCELLI CERVINI POLITIANI
eius Pronepotis.

Habita ab eodem in Templo Collegij Politiani Socie-
tatis Iesu, Anno Domini M. DC. XI. Kal.
Iulij, ætatis suæ Anno XV.



SVPERIORVM PERMISSV.

SENIS, Ex Typographia Matthæi Florimi. 1611.

renouarem. *Vilia quidem sunt quæ tibi dicamus, dum nostra dicamus, sed quoniam ex Farnesio proueniunt, aſurgunt illa ſientq; te capiente pretioſa, dumq; laudes Ceruinæ videbis, Farnesium beneficium videbis. Erit deinde humanitatis tuæ (Card. Illuſtriſſime) ſi iterum nos reperiemus in te, non modo fidei tutelam, ſed etiam ornamentum amoris tui, ne nos aut falſam gloriarum hereditatem à Farnesio videamur repetere, aut ipſe nos deluſi tanta hereditate indignos filios exheredandos Tutor iuſtiſſimus putes. Faxit Deus Opt Max. Ut quoniam Ceruinam domum in perpetuum iacere non patitur, eadem domus in Odoardo, patronij quaſi generoſum ſemen iterum recreetur, ac diutiſſime reuiuſcat. Vale.*

D E
MARCELLI CERVINI
II. PONT. MAX. LAUDIBVS.
O R A T I O.



I quantum sapientis viri eximia gloria, & in summa rerum gestarum magnitudine posita dignitas postulat, tantum ab oratore laudationibus impendi posset, nemo reperiretur (Auditores ornatissimi) tam infirmis eloquentiæ viribus instructus, tam eneruatis exornandi præsidijs immunitus, qui non parem animo suo dicendi facultatem asserre se posse consideret. Sed quoniam multorum sæpe virtus, immortalitatis quasi æstu in sublime abrepta, nullam sui partem censet ad mortales pertinere: admiratione suspici quidem potest, prædicatione attingi non potest. Admiramur omnes, ac simillimum Deo iudicamus, si quem nati erimus, qui civitatem sapienter gesserit; prudenter administrarit, qui suam omnem curam cogitationemq; in bonos ciues defixerit, qui semper prospera, æquabili, perpetua fortuna, tranquillo, & placato vite quasi navigationis cursu ad pacis portum popularium suorum molestias, ut procellas, appulerit. Sed nimirum ceterorum hominum, certum ac circumscriptum imperium est. At vero Pontifex Maximus omni imperio maior omnium salutis.

A lutis.

profusus nepos dissipem ac disperdam non minus rā-
cendo, quam nimium ineptē alius loquendo lautam
& copiosam pecuniam temerarijs sumptibus profligasset. Immo sit hoc opimum decus, ac votum adolescentiæ meę non prius me locutum fuisse, quam de Sanctissimi Pontificis laudibus prædicasse; primaq; mihi decurrenti in dicendo honorum spatia, pontificiam, idest ultimam honoris metam occurrisse.

Et quidem suspicere solemus in summo Antistite, quod sit generis nobilitate gloriosus, quod sapiens, quod mitis, quod prudens, quod pudens, quod iustus, quod liberalis nihil vniuersi sciant Marcello esse nobilius, nihil sapientius, nihil mitius, nihil prudentius, nihil pudentius, nihil iustius, nihil liberalius. Sanctimoniam autem in Marcello nolimus per Deum immortalem quamlibet cogitare; est. n. quædam quam insit in animo virtutes, & clarissimæ testimonis, multis in rebus Dei Opt. Max. testificatio apertissima opis, atq; operę comprobauit. quicquid deniq; sanctum, quicquid religiosum, quicquid sapientia conspicuum reperiri aut excogitari potest, id in Marcelli vita honestissimè, ac sanctissimè acta plenissimè redundauit.

Multi Marcelli, vt est in originibus, homines ornatiissimi, & singuli ferè dotibus singulis ad stuporem usque floruerunt. Sed in particula virtutis vitiorum summam, & genus copularunt. alij fortunas, & opes per luxum ac molliciem funditus euerterunt, alij nefarias libidinum contumelias turpitudinesq; suis criminibus subierunt, plures acerbissimo vitæ fato propter scelerum conscientiam, stimulante desperatione, ceci-

9
ragrauit, quem potius peruadet, quem deliniet melius
quàm Hetruriam, quam Politianum montem, ex quo
Marcellus in hanc mundi fabulam, & communem vi-
tę scenam promiscuè missus, regis erat personam di-
uino prouehente Numine relaturus. Verum tanta
laudum seges non tam in patria solo, quam in nitidif-
simo Hetrurię totius tractu splendet. Singularia. n.
quędam ex Hetruria nata sunt Auditores, quę de nul-
la fortasse alia prouincia dici aut celebrari possunt.
Gestiunt gestiunt omnes prouincię, gratulantur om-
nes populi, regna ipsa de honoribus ab Hetruria sibi
impertitis auidissimè gloriantur. Celebratissima om-
nium sermone res erat apud Gręcos, quin Gręcia ipsa
placebat sibi, & beatissimè indulgebat quod eius tres
Ciuitates, tria Gręcorum ornatissima capita procreas-
sent. Quòd Misenę Nestorem extulissent incredibili
pręditum atq; instructum prudentia. Quod Lacedę-
mon genuisset Menelaum, tanta temperantia insi-
gnem, vt Iouis gener mortali conditione maiore no-
mine diceretur. Quod Argiuorum ciuitas peperisset
Agamemnonem, quem non vna insigniret virtus, sed
quem vniuersus fermè virtutum chorus suauissimè
permulceret. O nomen Hetrurię nostrę, o Tusco-
rum excellentem dignitatem; o Politianam nomina-
tim sic longè latèq; diffusam laudem! eius vt glorię
propagatio in ipsis cœlestis regni claustris, diuinęq;
aule custodibus terminetur. Dedit Florentia inter cz-
teros Leonem decimum Medicum tanta prudentia
liberalitatis splendore illuminata, eo vt autore littera-
rię rei sensus, Cæsaribus Capitolium, Romę Roma
restit-

restituta videretur. Gennerunt Senę Pium Secundum
tanta moderatione animi, & temperantia, vt subter se
euncta habuerit, resq; omnes humanas tenues, & pro
nihilò existimarit. Pace verò istorum nec obscurata
existimationis magnitudine dixerim, ex Monte Poli-
tiano egressum fuisse Marcellum, tot fortunę bonis
subornatum, tot diuinis fultum præsidij, tanta in
omni genere ac varietate artium frequentia stabilitum,
inter vt Temperantiam, ac Prudentiam quasi inter ge-
minas alas, pennasetiam ac plumas versicolores pluri-
marum virtutum ad animi sui ornatum addidisse vi-
deatur. Ac ne in re inmensa, & propemodum infi-
nita diuagetur oratio, Ceruinas laudes ex rethorum
amplissimis campis, in Academię designata spatia
concludamus. In summo homine tria posita esse vo-
lunt Gręci, Iustitiam in omnes, Prudentiam in actio-
nibus, Pietatem in Deum, quibus quasi aureo triden-
te expiscari putant Neptunum perfectissimos homines
quos cœlo inferat, ac Iouis simillimos, Ioui gratissimè
repræsentet. Pari igitur commento in præsentia ora-
tio mea, non de verborum splendore sollicita, sed ve-
ritatis locupletissimis stipata testibus incedens, si quo
modo poterit impari hoc virtutum numero, maio-
rem, & imparem quibusuis honorum generibus Pon-
tificem Ceruinum esse declarabit. Atque vt à Iustitia
domina ac Matrona virtutum oratio mea proficisca-
tur, nulla vnquam pars vel animi vel corporis à Iusti-
tia vacua, vel nuda in Marcello fuit, quin in toto virę
cursu, neque fecit quod sciret non licere, neque quod
luceret, scire neglexit, nulli facere, sed honesta obliuio-

ne propulsare iniuriam , numquam ex imperitæ multitudinis voce pendere, omnia habere , à nemine haberi , melius parentem , quam heredem gloriarum esse. Naturam omnium communem , & vnā esse , clarissimum quemque clarissimam sibi effingere, diuitias vel ditiori animo contemnere , vel ad munificentiam liberalitatemq; conferre, omnia sibi expedita , atque explicata putare , ex quibus ad honestatem gradus parauisset . Vix primam pueritiam ingressus , vt erat altissima quadam mente præditus , non longè à domo vterique faciunt , ad capiendum ingenij cultum concessit : sed à parente ipso multiplicem rerum cognitionem degustauit . Erat Marcello Ricciardus pater Mathematicis , & Astrologia illustrissimus , qui tam studiosè numeros motusq; cœli pertractabat , nihil vt tam obscurum , quod non sua diligentia , nihil tam enodatum , quod non sua sapientia explanatum videretur . Hic à Clemente Septimo Pontifice Maximo Romam honorificentissimè fuit accersitus , vtq; Romanum Kalendarium fixum , & æquabile redderet , precibus , præmijs , honoribus propositis inuitatus . Hic Ricciardus accerrimè se exercuerat in Academia quæ tunc Florentiæ florebat , ex qua veluti ex nitidissimo , atq; feracissimo campo , mirum quam splendentes , quam mædentes honoribus propagines pupullarunt . Eius Academicæ apex erat Magnus ille Laurentius Medices , qui Patres Vrbi , Orbi Pontifices genuit . Marcellus interim à patris latere nunquam discedere , ab illo quasi germano fonte superùm sibi cognitionem haurire , & celeriter tam mirabiles progressus in Mathematicis , fecit
adde

adeo sublimi ingenij altitudine cœlum de facie nouit,
& rerum quę naturę obscuritate occultantur, mores,
nouus siderum aulicus indagauit, cunctas vt stella-
rum naturas non opinari, sed scire, non uidisse, sed tra-
ctasse, non appropinquasse, sed interfuisse cœlo, qui
cœlum clausurus, atq; aperturus erat, videretur. Ex-
tat adhuc eius libellus, qui licet intra domesticos parie-
tes suam gloriam alat, in forensi tamen luce maxi-
mam fuisse affecutus. quo in libello de Speculis com-
bustibilibus versatus, subtilis, elegans, sermo legitur,
atq; vt mea fert opinio, debita opera Ceruinus ea scrip-
psit, qui sanctimoniz ac Iustitiz Speculum, maximas
omnium virtutum imagines alijs erat monstraturus,
& cœlitum in sui concauum humilemq; animum di-
uinę bonitatis Solem, in mortales vniuersos Pontifex
cœlesti erat incendio dispersurus. Cum Senas ad pue-
ritiam plenius informandam litteris profectus esset,
Qua in Celeberrima Ciuitate, apud Spanochios pre-
sertim summo in honore fuit, Politis Alegettis, Ac
carissjs Gazais Picolomineis, Burghesijs utebatur ami-
cissime, nullus deniq; ordo Senis fuit, qui non maxi-
mam existimationem deferre Marcello, ita vt is gra-
tissimo deinde animo Senas veluti suam longe præcla-
rissimam patriam perpetuo adamarit, illud antiquissi-
mum habuit, vbi Ver effluerat dum se æstiu calores
frangerent, Castilionem petebat oppidum id ad Vr-
ciam flumen in Senensi tractu situm est, ibi cura, &
labore vacuus in hortulis ferendis, aut ramis arbori co-
pulandis, aut tempus fallebat, adminicula ordinabat
cœlestis futurus hominum fator, hominum vitia radi-
citus

citùs extracturus, & ad cœlestes satus accipiendos mortalium animos aperturus. Inter cœtera oliuetum iningere appposito instituit, tanta deinde fructus prosperitate, tantis opportunitatibus fœlix, nulla ut vnquam tam turbulenta, tam repentina tempestas (& testium perennem fidem, atq; experientiam audiamus) nulli tanti imbres, turbines procellæ impedièrunt, aut maritatem in oleis, aut in maturitate vberriam, ac lætissimam segetem retardarint. Nimirum tam fœlix oliuæ sator, non donandus olea Apollinari, sed Petri in omnem perpetuitatem viridissima erat Laurea decorandus. Neque verò illas artes neglexit, quæ sicuti non inter primas recensentur, neque etiam homini, præsertim libero, atque ingenuo vulgò necessaria existimantur; natum didicit, piscatum insectatus est, ut potè qui Domini piscator laxaturus erat retia in hominum capturam. Geometriam animo toto comprehendit, qui vniuersum terrarum orbem suo erat imperio dimensurus, & quod in adolescente mirati nunquam desinas, nulla ferè ex ijs artibus, quæ Mechanicę appellantur, Marcellum subterfugit, ratus hic opinor non tam à Syracusanorum prudentia, quàm ab Archimedis mechanicis artibus romanos exercitus fuisse prostratos; itaq; antiquissimum illi erat nunquam paratis velci voluptatibus, nunquam rusticans integra fame uti oblectamentis, nisi prius aut radio circulos conclusisset, fabricasset spherulam, sibi bellos in rectam seriem ordinemq; suendo plicuisset, ut quemadmodum paucae mutæ literę inter multas vocales dispersę, in societatem vocis facillimè flectuntur, & mansuescunt, ita me-

B chanicę

chanicæ artes iunctæ simul in altissima Marcelli mente, præstantissimarum virtutum elementis vberissime imbuta concentum suauissimum referebant. Verum ut ad discendi profectum omnibus imperijs, honoribusq; adipiscendis aptissimum reuertamur, quanto studio Ceruinus Græcos coluit, quanta auiditate illorum literas arripuit, quanta intelligentia partes omnes perfectissimæ Græcorum literaturæ expleuit? omnem honorem admirationem omnem, omne studium in græcis discendis defixit. In summo apud illum amore Homerus fuit, Demosthenem in delicijs fouit, Pindarum in numero habuit, Xenophonte incredibiliter delectabatur, ita ut plures Græcorum libellos latinis literis illustrarit, Epigrammata multa ex illa in hanc linguam traduxerit, latinaq; quasi Ciuitate donauerit, plures super græcis scriptis mandatę literis cogitationes suæ legantur, tantum honoris, ac dignitatis suo exortæ in animo Athenę pepererunt. Videris, ut opinor, Auditores quā recte tenax, quantum ex verò Iustitię penè Antistes fuerit Marcellus, dum hanc primò viuendi disciplinam arripuit, animum sapientię reddere, eò spes omnes, & conatus intendere, vbi eius res gestæ sempiterni nominis suffultę gloria firmissimè niterentur. Iustitiæ imaginem industriæ singularis artifex Chrysippus ita effingi voluit. forma modesta, virginali filo, aspectu vehemente, & ad maiestatem composito, oculorum acribus luminibus, tristem vultum aspersa dignitatis condimenta commendent. Vnde intelligi voluit iustum hominem, non solum moderatum, grauem, sanctum, sed seuerum etiam correctorem

rem

rem morum, & temperantia in Ceruino mediocritas, neutris extremorum partibus addicta, ex utrorumque confinio extorris, non magnificentia rectorum delectari, non opum dulcedine irretiri, non auaritię Euripis absorberi, & quoniam augendi libido cruciatum habet, libidinem omnem mediocritatis excellentia obruebat. Non defuerunt tamen qui Marcellum eo quod prodigalitati omnia denegauerit, reliqueritq; viam molliter stratam floribus, atq; herbulis enormium sumptuum seueriorem fuisse putent. non seueritatis, sed continentię vitium, si vitium virtutem appelles fuit. Seuerum solo aspectu vidisses, re & factis longē aliter iudicasses. Seuerum in primo congressu salutasses, sed non nisi liberalissimē factus satis eius in digressu discessisses: vt si in odorem seuerius strictum pressumq; offendas, non tamen est quod si crebrius trahes odore mirificē recreatus reuiuifcas. Fuit in Marcello seueritas, quę proprias effrenatasq; cupiditates coerceret, inconsiderato motu elatum animum reprimeret, ne libidinibus fureret animus ne quid rabidē appeteret cōhiberet. Fuit seueritas, quę inexplebili cupiditate quo affluentius in scientiarum assentione labores difficultatesq; scaturirent, eo sitiret ardentius, grauius anhelaret; fuit seueritas, sed in audacissimos homines, qui in alterius fama grauissimē incurissent, qui alterius castimoniam probris, integritatem labe, bonitatem infamię maledicentia polluerent. Fuit seueritas, sed in eos qui sanctissimum Perri Senatū, augustissima Christianę Reipublicę decreta abijcere, integerrima Pontificis consulta, idest Cœlisca, heretica labe,

ac tæterrima ~~collusionum confusorum~~ ~~lustrorum~~ ~~fuit~~ seueritas, non in vitiosos sed vitia, non impios, sed impietatem, non in facinorosos fraudulentos crudeles, sed in facinora fraudes crudelitatem. Adde verò si Iustitię partes, & quasi tributum est, non solum animum sapientię reddere; Sed corpori quoq; honestatem sobrietatemq; consignare, quis moderatior Marcello fuit? quis mitioribus continentię assclis quasi Virginibus stipatus illustrior? quis prudentioribus coniunctior? quis partium integriorum adolescens? quis in virtutibus effusior? quis in cupidinibus religiosior? Illa verò in hoc viro mirabilia, ac diuina fuerunt, prima illa etatis initia, tam integra, tam inuiolata, tam vltro proeacibus metuenda prestitisse, vt Senis nominatim statim, atq; Marcellus ingrege aliquo impurorum, atq; impudicorum hominum appareret, inter quos fœdissimi sermones libidinum illecebrę, ac stimuli spargerentur, retusi ab adolescentis modestia tales stimuli conciderent; nullus alius verecundię globus, talem impurorum globum validius disiecisset. eratq; hæc communis omnium vox ac sensus effeminatorum, molles ac delicatos sermones veluti pallentia, ac putida papauera ad aspectum Marcelli suauissimam verecundię purpuram inducere, atque vno intuitu æquo iniquo anni tempore, à Ceruino Sole ex obscuris, & in occasum pronis infamię floribus, Splendentes honestatis rosas recreari. In Parsimonię autem prouincia quantà Iustitiā præfuit Marcellus quantà temperantiā? habebat Villas estate, non quo conceptę commearent libidines suę, sed quo
 fu-

suscepti in studijs labores, vt restituerentur melius hy-
 marent. Sed quid de victu, & comestione dicemus?
 Num eius mensa effusè erat diues? num meretricio fa-
 ctu onerata? num veluti aleatorum, & decoctorum de-
 stinatum comitium? nihil horum in voluptatibus mi-
 ra abstinencia, in odore ac sapore habitabat sobrietas,
 ita cum edendi gustatu dignitatem viuendi copulauit,
 ita gulæ blandimenta, quibus etiam sopita conuiuet
 virtus infirmauit alioq; traduxit, vt corroborata etiam
 iam ætate, & Cardinalis, & Pontifex factus, nulla il-
 lam conuiuia delectarent, nullè licet exquisitissimè men-
 se irretirent, nisi quas sacræ scripturæ lectiones, ac San-
 cti cuiuspiam prælectiones quæ ciborum suauitatem;
 sacrorum verborum quibusdam quasi captionibus, &
 prestigijs perstrinxissent. Quamobrè non ad artem ce-
 latum argentum, non toreumatû elaboratus splendor,
 non magnificè instructa triclinia, nō ad abaci nitorem
 textili purpura tapetia viscebantur, non vnguentis ni-
 tentes, aut fulgentes serico pueri pererrabant, non ver-
 nularum strepitu, aut symphonicorû cantu, & cym-
 balis atrium personabat, non corinthiorum vasorum
 prodiga ostentatio, non scyphorum ex succino paria
 compluria emicabant, non hydriæ vinis ætate bibentis
 vetustioribus redundabant, sed honestatis suauitates vn-
 diq; cernebantur, virtutis famalatus sobrietas, & Absti-
 nentia homini virtutibus ornatissimo seruiebat, ad virtu-
 tum Principis mēsam virtutû chorus consistebat, in tri-
 clinio. s. in lasciuientis voluptatis suggesto, Temperan-
 tia ius dicebat, & in debachantis intemperantiæ area
 Temperantia, & Continentia pro rostris abstinenciam

pu-

pugnacissimè perorabant. Complures sunt; quis nescit
 ij. quæ genere insignes qui quasi familiæ claritudo ve-
 stium solennium splendore geminetur adusq; insaniam
 concupiscunt, splendidis ornari vestibus, quasi vero
 sicut hominis decusest familiæ nobilitas, sic nobilitatis
 lumen, sit fucus, & vestium pompa, nesciant huiusmo-
 di plus equo acutissimi, quod dum elegantiores ha-
 bitum sitiunt, imbellem fæminam in virili specie cri-
 minantur; dumq; muliebrem venustatem in homine
 succollant, virilem dignitatem in fæmina complectun-
 tur, Quamobrem Ceruinus homo omnium æquissi-
 mus, atq; à leuitatis inani spectaculo remotissimus,
 nunquam extra domicilium limenq; domus pedem
 extulit quasi videndus in scenam prodiret; quin potiùs,
 tanquam sanctissimus Censor, qui insolentiores, &
 ambitiosiores in vestitu cultus, ornatus sui mundissi-
 ma honestate emendaret. Optimam igitur mediocri-
 tatem in vestitus ratione vsurpauit perpetuò, exquisi-
 ta cura si qua erat, inhumanam, & agrestem negligenti-
 am euitabat, idq; eo fiebat, vt amabilis in eius corpo-
 re munditia, ne nequum quidem suo in animo positum
 esse declararet in omnibus demum rebus præstantissi-
 mam viuendi ducem, & magistrâ naturâ insequens,
 nihil agere, nihil præferre, quod non omnium ocu-
 lorum secundissima approbatione commendari posse
 videretur. Vestitus non operosus, sed natia quadam
 nobilitatis suauitate magnificus, status grauis, matu-
 rus incessus, honesta accubatio, modestus vultus, man-
 sueta supercilia, amæni oculi, species tota actionibus,
 non actiones speciei decorum comparasset. O virum
 fœli-

fœlicissimum cuius qui **admiratur** virtutem, suam non
 potest non reprehendere, cuius qui **suspicit** animum,
 suum non vsq; despiciere non potest, dum nihil tua vir-
 tute formosius, nihil præstantius, nihil sublimius col-
 locari omnibus in altissimæ imitationis exemplo possit;
 fecit hoc tibi **summa æquitas**, **Iustitia summa**, quibus
 quasi gradibus in cœlum ascendere, tuamq; Ceruam
 diuino Ouium Pastori voluisti offerre, quæ domini-
 cum ouile ad **sinceros Christi fontes** adduceret. Cla-
 rissimam fortunam, & pennicillis omnibus absolutam
 historiæ ponunt in **Crasso Mutiano Romano** hominē,
 cū sua met opulencia **fœlicitate liberalitate**, tum etiam
 quod quinis p. æcipue rebus quinis quasi sensibus fœli-
 citatem penē totā totus plenissimē degustauerit. quod
 esset ditissimus, quod nobilissimus, quod eloquentis-
 simus, quod Iurisconsultissimus, quod Pontifex Ma-
 ximus. Quæ honorum centuriæ, si ex vna nobilissi-
 mæ virtutis Ciuitate aduenissent, meritò illum omniū
 mortalium famā celebrasset; sed cum ex fortunæ teme-
 ritate, & semirutis quibusdam casus Pagis obscurè e-
 merferint, iure, non omnis laudatur, cuius in imo lau-
 dationum fonte, lubricum casus lutum, & fortunæ
 cœnum continetur. Verum similis honos non solū
 iustus Marcello datur, sed amplissimis eius meritis ve-
 rissimē reddatur, cum non tam lac lacti sit magis si-
 mile, quam Ceruinus virtuti, in quo à teneris anni la-
 descere prope omnis virtus visa est. Multorum aures
 optimo sermone de Ceruino completæ erant, & iam
 Romam vsq; affluerat rumor quanto ipse officio,
 quanto ingenio, quot honestatus moribus, quanta
 bono-

bonorum copia florens, quanta exultatione septus,
 & munus reluceret. Talis igitur Heros in quem vir-
 tutes ornatus suos omnes congefserant Romam pro-
 fectus est, ut in ea Vrbe, quæ olim inter theatra, ac
 triumphos vivebat; rediuuos in Marcello triumphos,
 ac theatra suauissimè contemplaretur. Agebat tum
 inter mortales, omni dignus immortalitate; Paulus Ter-
 tius Farnesius, quo de Pontifice si quid loqui velis, ip-
 sa eloqui addiscere debet Eloquentia. Hic ille Paulus
 est, cuius suauitate Romana Vrbs recens perditæ, atq;
 afflicta exterorum excursionibus hilarata, atq; erecta
 suam sanitatem recuperavit. Hic ille Paulus est qui
 Romam ædificiorum exaggeratis extructis molibus
 ornauit templis religiosissimam speciem dedit, nec lo-
 cus in Vrbe est, non sedes, non atrium, non vestibulum,
 non recessus in quo Farnesiæ Munificentia altis-
 sima, & impressa vestigia non reperiantur, in quibus lo-
 cis Farnesiana lilia suos elysios non representent. Hic
 ille Paulus est qui infinito auri pondere impenso Otto-
 manicam tyrannidem bellis frequentissimis infirma-
 uit, elisit, euertit. Hic hic ille demum Paulus est, qui
 in grauissimis christianæ rei temporibus, non sine ma-
 gnis toleratis difficultatibus Tridentinum illum sanctis-
 simum Arcopagum aperuit, & imprudentissimis hæ-
 rericis ex sacris literis multa quod essent, obscura, mul-
 ta malitiosè ignorata, adhibitis doctissimis Episcopis
 quasi septuaginta Interpretibus in vnam eandemq;
 verissimam sententiam Spiritus diuini afflatu conspi-
 rantibus explicauit. Erat hoc in Paulo precipuè in-
 natum (ut in infinitis occurrat) eo quod ipse præstan-
 tissimo

tissimo esset ingenio, studio flagranti, & à puero in
 Laurentij Medicei Academia artibus omnibus vberri-
 mè instructus, conquirere vndique viros, ingenio pe-
 racri, doctrina eximia, litteraturà singulari, horumq;
 in primis delectari consuetudine, non vt illorum sa-
 pientiæ cote mentem suam acueret; quin potius, vt acu-
 tam, & sublinem alere inter sapientum familiaritatem
 posset. diceres doctos viros Paulo pro cogitationibus
 datos esse, dum nunquam aut sine sapientibus agere,
 aut sine Sapientia commendatrice operum agitare ne-
 gotia consueuisset. Itaq; vbi primum Ceruini aduen-
 tum Romæ sensit, hominem benigne appellat, memi-
 nisse se Ricciardi parentis sui in Medicea olim Aca-
 demia sibi amicissimi, eius se opera vti velle, in illum re-
 clinandam esse tantisper Ecclesiæ administrationem,
 faustè sceleriterq; viuendum Ecclesiæ, si Pontifici Sa-
 pientissimi decreta per Accensum sapientissimum pro-
 nuncientur. Interim Alexandro Farnesio suo adole-
 scienti nepoti secretorum interpres, ac internuncius ad-
 sistat, sibi fore curæ ne Ceruini tanti Pontificis pœni-
 teat, ne vt ingratum Pontificem Ceruinus arguere vn-
 quam possit. Hæc effatus hominem dimittit, quem
 Alexander veluti quendam ex annalium memoria, &
 è syderibus delapsum excipit. Et quia adhuc adole-
 scens, prouida supra etatem etate nullis se irretierat er-
 ratis quibus plerumq; morosus animus redditur, & in
 aliena consilia minus versatilis, vt primùm Marcellum
 videt delicias suas, amores suos salutatur, in Societatem
 victus, in familiarem sermonem, Alexander in Ale-
 xandrum Marcellum immittit. facilem hic mihi cur-

sum viderem Auditores, si obiectos declinare scopu-
 los, posset oratio mea, quid enim præclariùs, quid diui-
 niùs complecti animo possum Marcelli Vigilantia stu-
 dio diligentia? qui sincerior sermo? quæ laniora con-
 silia? quæ vberior scientiarum omnium notitia? quæ
 solertior prudentia? in luce omnium vivebat, in oculis
 omnium triumphabat, habitabat in animis, in Romæ
 totius admiratione suum sibi domicilium collocarat.
 Erat in illo summa ratio, summus pudor, plurima or-
 namenta, accurata mens, efficax memoria, litteræ præ-
 stantes, exquisita cogitatio, fortitudo in periculis, con-
 silium in agendo, industria in prouidendo celeritatis in
 conficiendo, adeoque cogitatam prudentiam ad Farne-
 sium iunxerat, nunquam ut angustius vrgeri, neque in
 difficultates delabi, neque negotiorum magnitudine ut
 tempestatibus obrui videretur, imo licet periculoso, &
 scopuloso in mari inter agendum aliquando versare-
 tur, negotia tamen omnia. Prudentiæ veluti certissi-
 mæ Cynosuræ aspectu ad optatos exitus, ad tranquil-
 lissimum portum perducebat. Sed in ijs administran-
 di nihil in eò sordidum, nihil humile, nihil abiectum,
 nullas versutiæ aut fraudis reliquias collegisses, Natus
 in virtutis luce, educatus in moderationis complexu,
 corroboratus in Sapientiæ Maiestate, tantum artis, &
 efficacitatis habuit in Aula, quantum nec homini fas
 esset oportere nec optanti credere facile fuisset. Ami-
 corum studia omnia tenebat, voluntates arripuerat,
 gratiam possederat, spes obligauerat, suam seruitutem
 omni beneuolentiæ genere iniunctam nutrebat. Ma-
 xima in Nobilibus acerbata Regum ac Regum impudicam

putare, stultosq; aulicos illos tenere qui in omnem assen-
tationem eruditi, ad excitandam in se principium vi-
rorum Amoris flammulam adulationis flabello ani-
mos euentilant ac permulcent, auribus ad voluntatem
inseruiunt, & simulationum inuolucris egregiè adum-
brati singulari, libidine honoris lumen appetens sem-
per in eodem laborant; modò nobilissimum quemq;
inuestigando, adeundo, honorificè appellando, siue
audacter, siue impudenter hianti, & imminenti hono-
rum avaritia honores insectando nunc arte solertissi-
ma, & malitia admiranda indagare odorari Principum
animos, attentare & ex vtraq; parte librare, facultates
& rei familiaris expletam lacunâ totam in muneribus
dandis exhaurire, nihil intentatû relinquere, quoad isti
ambitionibus oîbus exerciti candidati honoris magi-
stratum nanciscantur. Hic verò Vir virtutum esca,
honores sibi expiscando, breui nominatur Apostoli-
cus Protonotarius notaret non tam vt aliorum gesta,
quàm suos honores perpetuò firmaret; & in prima hac
Sacerdotij Aedilitate amplissimam sibi laudationum
sic vt ludorum magnificentiam aperiret. Accidit tunc
temporis res non negligenda, quæ, quasi dies, latius
aperuit Ceruini animi speciem, & ornatum. Caroli
Quinti coniux (quem Imperatorem romanis illis pa-
ludamentis non parem modò, sed longè magnificen-
tioris sua singulari virtute fuisse contendo) cessat è
vita. Paulus ad clarissimum Imperatorem contorrens
di gratia, & vt si quæ in illo essent dolorum sollicitu-
dines alleuarent, Alexandrum nepotem transmittit, cui-
us in muneris partem Marcellum etiam adiungit, qui

& cum Alexandro communem curam suscipiat, operam sumat negotium conficiat. quam ille provinciam ita sustinuit, ut in fine colloquij Cæsar ad suos versus, nihil se Marcelli aspectu grauius vidisse, nihil oratione illustrius audisse, nihil grauitate, & modestia compositius suspexisse se vnquam fateretur; Essent sanè mihi hac in re tam eximia tali cum Rege peracta altius explicanda vela Orationis, nisi ad alia longè etiam nobiliora, nisi tanta tam multiplex hominis Virtus veluti Auster aliò euntem inuitaret. Romam ubi redijt, Paulus degustata Ceruini Prudentia bene potatam habere voluit, itaq; penitus dat se in illis consuetudinem nullumq; tanti momenti negotium est, quod non ab istius præclarissimi viri aut auctoritate firmetur, aut sustineatur prudentia. Maxima erat Paulus animi fortitudine, & obfirmata suis in cogitatis constantia, & quod infinitam penè rerum seriem vasto infinitoq; agitare animo, accidit non semel, ut ad Ecclesiæ vtilitatem valde ardua, & humanis viribus imparia anxie concupisceret. Quare Ceruinus quem sollicitudinum socium, omni cogitatione coniunctum, consiliorum etiam autorem non spernebat, occurrebat vltro, tam sublimem mentem, modesto suo consilio mitigabat, in qua fœlicitate M. Marcelli Consulis fœlicitatem superauit, hic enim gladius romani imperij, & Q. Fabius Max. scutum vocabatur, quod alter feroci magnanimitate, matura alter fortitudine Pænarum causam iugularet. Noster vero Marcellus ubi celeritate opus erat, industriam omnem fœlicissima diligentia superabat, ubi negotij grauitas agentem retardabat,

nullum

nullum ſeueriorem iudicem in concidendis , ac delumbandis temporum momentis reperiffes . . . Quibus rebus eo anioris prouectus eſt Paulus erga hominem tam graui iudicio , tam mirabiliter prudentia excellentem , tanta probitate , fide conſtantia mirabilem , illi vt proximo ſuum conclaui domicilium ad quietem aſſignauerit cum his mandatis , vt cum primo diluculo Paulus ſignum , ex condicto dediffet illico ad lectulum accurreret , quid in diem agendum eſſet vnà conſulerent , Teruinum Solem recumbentes Farnesij flores fauſtè fortunateq; ſalutarent , neq; verò idcirco mirari incipiamus , Auditores , quod ſapientiſſimus , ac prudentiſſimus Pontifex iudicij ſui minimè prodigus tam cupidè tam amicè priuati ferè hominis prudentiam expetierit , tanti fecerit , tantum vti voluerit . non erat à tanta dignitate alienum , quod fuit ſemper dignitati proprium . qui multos regebat à multis regeretur par erat , ipſi Agamemnoni , vt aiunt , Regi Regum , fuit honeſtum , glorioſum fuit habere aliquem in conſilijs capiendis Neſtorem ; multò etiam fuerit glorioſius experiſſima conſilia ex alumno Farnesiae diſciplinæ Farnesio percipere potuiſſe , & ſi Iuppiter Vnus , vt eſt in fabulis , qui Deos omnes moderatur ac regit , magnis de rebus decreturus Deorum Senarum cogit , ſuffragia exquirat , calculos boni facit , cur non etiam præclariffimum fuerit Pontifici Summo Eccleſiae Terrarumq; Ioui Sapientiſſimo à ſuo grauiſſimo Senatore , poſtulare ſententiam , in eandem opinionem cum omnium vtilitate , & gloria honeſtiſſimè perueniſſe ?

Ma-

Magnum igitur erat ita diligere à Pontificis Nepote , quanto magis ab ipso Pontifice , quanto etiam maius ab utroq; qui si hunc prius amare , postea tandem diligere videbantur . Videbant hominem non honorum nomine , sed honoribus dignissimum , videbant in tam prudentem , tam religiosum , tam moderatum omnia dignitatum genera conferri oportere Minus ad tantæ prudentiæ culmen , minus ad tanti Pontificis animum pertinebat , talem virum latere in tenebris , non sapere in Romana aula cum Tyresia , sed umbrarum more sine speciosiori titulo vagari , turpe erat præeuntibus meritis humi serpere , nec ire quo illum sua trahebat virtus , humilis , & obscuri erat nullius fere ordinis esse , herere in primo dignitatis gradu , qui splendor omnibus ordinibus , ornamentum Aulæ , dignitatum celeberrimus Signifer esse potuisset . Quare renunciatur Neocæstrensis Episcopus , & postera crescens laude recens , nullæ Senatus consuevit , nullæ leges sine huius Episcopi consilio à Pontifice fiunt , tantum quisq; habet priuilegij ac beneficij , quantum Antistitis prudentissimi aut consilio approbatur , aut voluntate permittitur , omnia in illius prudentia , & moderatione vertuntur , & medius hic Antistes inter Paulum , & Pauli Nepotem , tanquam inter fortissima brachia pectus integerrimum , excelsioris suæ prudentiæ motu aut opera mandabat , aut cohibebat . Dies me ac latera deficerent Auditores , si qua gloria præstiterit in grauissimis , & frequentissimis negotijs apud Paulum Marcellus verbis explicare possem , quod cogitatione attingi vix potest , sed vna in re cui summa omnia tribui pos-

sunt veluti ripis coercitum tantum Prudentiæ flumen
 contemplemur. Profecturo Cesari ex Hispania in Bel-
 gium, ut viarum longitudinem vicinioribus provin-
 cijs anteuertret per Galliam iter facere consilium erat.
 Vbi furtim id Pontifici renunciatum est, Alexandrum
 Nepotem cum Marcello alijsq; nobilissimis permultis
 in Galliam mittit Legationis nomine, qui vno eodem-
 q; tempore ad congressum colloquiumq; perueniat
 tanti Regis, & Imperatoris; quorum alter, quæ ad oc-
 casum ab ortu Solis sunt regere sapientissimè; alter illis
 imperare ingenij amplitudine, autoritatis terrore fœ-
 licissimè potuisset. Mediolanum peruenit Farnesius,
 inde in Pedemontanos tractus proficiscitur; hic vrgeret
 & egregiè sibi metuentes premere omnes vna sollicitu-
 do cœpit, ecquid tandem futurum omnibus ignota le-
 gatione? quam longè de Farnesiæ, atq; adeò Pontifi-
 ciæ dignitatis recedendum si legationem perficerent de-
 qua ne nomen quidem apud reges illos peruenisset, ni-
 hil ampli, nihil excelsi habere certissimam autoritatem,
 dubiæ, & incertæ fortunæ obijcere voluisse. Suauio-
 rem esse vnam apricationem in Villici tui Sole, quam
 per non amicum, & quidem totum regnum in annos
 multos miti Sole colorari, non esse ferendum in solo
 quod non prius colueris, fruges enim non feret. om-
 nes itaq; in hanc sententiam veniunt fit strepitus, grata
 redditur admurmuratio, domum esse reuertendum,
 redeundum Romam. Vnus Marcellus tanquam op-
 timus Gubernator desperationis Euripos, timiditatis
 Ixites cuitans clauum tenet exclamat, implorat homi-
 nam. *Id est, eandem, diligentem, vigiliantem consilio*

mittitur, nihil pretermittit quod ad suam fidem, ad Farnesiam dignitatem pertinere arbitretur, rogat, prædicat, denuntiat, non sine maximo Pontificis dolore legationem relinquere posse, suadet esse progrediendum non tamen effuse fugientium more, sed quantum strigoso equo in diem iter solet esse, fore enim inquit brevit ut Reges audiat nostram ad illos accessione ulterius discedant, & nostrum remissum atque cogitatum iter illorum celeri festinatione compensetur. Marcellus tandem auditur, seu potius Paulus ipse, quam personam in illo impositam omnes propius venerabantur; & quidem non nisi diuino consilio id factum esse ostendit euentus. Vix lentis itineribus secundo lapide à Gallorum finibus distabant, cum Rex, & Cæsar de Farnesij aduentu admoniti mittunt è primo nobilitatis flore principes viros Dynastas, qui suo nomine Cardinalem in regnum inuicent, Reges de illius aduentu maximo gaudio, & gratulatione frui. à Regia triumphum suum expectari si intra duos Reges Pauli etiam in Alexandro effigies suspici possit.

Itur in regiam fiunt tot hominum concursus, tanta rotas Gallie frequentia, tanta pompe celebritas tanta à regibus beneuolentie significationes, quantas regum potentissimorum maiestas, & Summi Principis inopinatus aduentus postulabat. Singularem quandam hic laudem maxima, & exaggerata Ceruini Prudentia exigeret, Auditores, si his terminis clauderentur, neque emersisset latius multiq; sunt vnà in re ornamentorum gradus, si in singulis velim insistere progredi ulterius difficile possim. Sed reliqua audiamus. Mittitur iterum

in Bel-

in Belgium ad Carolum Nuncius Apostolicus cum eodem Legato Alexandro, qua in causa ita sincerè, prudenter, castè, integrè versatus, vt Roma abiens Romam secum habere, Roma longe dissitus, Romæ triumphare videatur. Etenim Paulus grauissimis prius verbis Ceruinam prudentiam laudibus efferens in frequentissimo ac celeberrimo Patrum consensu consensuq; Marcellum renunciat Cardinalem cum titulo atq; immortali insigni Sanctę Crucis in Hierusalem pacem nempe mortalibus laturus erat Marcellus, qui seueriori vitę disciplinā victurus, & quasi Crucis alumnos mores erat mortalibus omnibus exemplo sanctissimo propositus. Igitur creatur Cardinalis in itinere Parisijs. Gallorum aureis, & farnesij ceruleis lilijs Marcelli purpurā erat aspergenda, & vt summus cumulus ad dignitatem accederet, obortis repente occasionibus è vestigio Romam reuocatur Alexander, & Marcellus magno legati nomine, magna specie, magna maiestate legationis Alexandri loco sufficitur. Quid hic potius admirer, Auditores, an Marcello longè à domo decretos magistratus maximos tanta Pontificis voluntate, tam secundis omnium acclamationibus, quid si domi fuisset, si triumphalem illam ac theatralem prudentiam romana inter theatra circumtulisset? an Sanctissimę Crucis diuinitus illi destinatum signum, in quo vincere non modo Christianorum animos, sed hereticorum formidolosissima capita exterrere, expugnare, in Tridentino Concilio debuisset. Et quoniam de Tridentino Concilio mentio facta est, non erit opinor, vobis ingratum Auditores, si in illud salutatura

D tan-

tantum, & suspectura sedentis Ceruini maiestatem nostra ingrediatur oratio. Serpebat latissimè venenum immanissimi, ac foedissimi monstri Lutheri, cuius nomen præter lutum tætrum præter vitium, ac pestem sonat nihil; vt quemadmodum in Pandoram Dij certatim omnia pulcritudinis ornamenta, pro se quisque congesse perhibentur, ita in Pedorem hunc infamissimum, scelera flagitia, sacrilegia omnium turpitudinum maculas, & de honestamentorum genera consputarunt. Hic ille Lutherus est, si nescitis, (vtinam sciret nemo) religionis transfuga, in sacrosancta Pontificis statuta Ferentarius, corruptæ pietatis Centurio, impudiciæ Tibicen, sacrilegorum Stationarius, Hæresis Tesserarius, turpitudinum Præfectus, vitiorum Quæstor, Signifer infamiæ, flagitiorum omnium Dictator perpetuus. Desertor Dei, Dæmonum Desertum, Paulus cui Ecclesiæ pudor, ac pudicitia cordi erat in primis, non poterat æquo animo ferre relicta à Luthe-
ro in Ecclesia decus quotidiana errorum adulteria meretriciam viuendi disciplinam, quibus in dies latius Lutherani multos in sua impudiciæ castra transcribendo virtutem omnem summo cum Christianæ rei decore polluebant, & quia Lernæa hæc hæreticorum hydra, licet hinc inde à sanctissimis viris fulgentissimo veritatis gladio excindebatur, renascentia tamen continuo capita geminabat, idcirco hauriendus erat è Pontificia autoritate tanquam è cælo Ignis qui tantam audaciam nequitiamq; singularem deprimeret, extingueret daret pessum. quapropter indicit Tridenti Concilium in quo Ecclesiæ dignitatem contra hæreticos tue-
retur

retur non armis sed pietate, non copijs, sed multorum doctrina, non opibus sed diuina ope, non deniq; ferro ac ceca Martis fortuna, sed vinculis illis quibus quod deuincit in terris, in cœlo etiam ligare suo iure potest. Legatos ad eam rem eos fecernit, sine quorum præsidio stare res christiana non possit. primo declaratur Io. Maria de Monte qui suæ virtutis præmio, in demortui Pauli cura ac regno successit. quem alium expectatis Auditores quantis circumfluere, & abundare debebat præclarissimis animi dotibus, quis diuinitus iam Ecclesiæ Consuli designato Collega Consul in tanta Legatione adiungatur? in promptu est Marcellus Ceruinus, qui à Iulio Tertio primus regnare debebat legatus cum futuro Iulio Tertio in Concilium mandatur, ut non nisi optimè de Christianâ causa sperari possit, quando tres fere Pontifices Maximi ius dicunt. Quod si fatale ad christianæ reipublicæ salutem fuit Tridentina Synodus, fatalis etiam fuit in eadem Synodo Marcelli Legatio, quæ tanta pertulit tanta deuorauit, tantis se expediuit iniectis difficultatibus, ut nisi seueritatis suæ spiculis Alpes usq; scrutatus esset, nunquam tot Cisalpini cum Ecclesia in gratiam redeundo triumphum Ecclesiæ peperissent, & nisi Marcelleus hic gladius romanæ religionis impetu, & terrore usus esset, hæretici velut Pœni crudelissimi nimis fortunate infortunium Pontifici attulissent. Hic consecratus fuit campus Ceruinæ autoritati, fidei constantiæ, hic circumspicere omnes quæ impendebant procillas hic se paratissimum contra hæreticorum fraudes adornare, hic improborum fucata studia quæ seueritate declinare, quæ huma-

nitare antevertere, hic pro Ecclesiæ commodis ad periculum accedere hic operam pertinacem, obfirmatum laborem, studij perpetuitatem interponere, hic præclarissimum sibi, ac pulcherrimum ducere bonorum commoda suis venari incommodis, non modò non inuitus, sed libenter molestias appetere, bellum sempiternum cum nequitia, & fraude suscipere, tantam in rebus omnibus diligentiam, tantam virtutem, tantam doctrinam, tantam prudentiam iustitiam præferre, quantà quoad erit hominum genus sermonibus aletur, laudationibus erescet, literarum monumentis corroborabitur, nullis nisi Vaticanis illius æternis imperij finibus sepietur in Capitolium Pontifex creatus ascendet Ceruinus, & improbi etiam quem antea oderunt eius auctoritatem verebuntur, sequentur iudicium, vim pertimescent, admirabuntur sapientiam, prudentiam suspicient, vitæ integerrimæ sanctimoniam prædicabunt. Habuit quidem habuit Romæ ubi ostentaret præclaram sui prudentiam, quæ per omnes honorum gradus elatus Pontificatus fastigium suis debuit meritis, omnium bonorum concupitum votis adeptus est. Cognoscite cognoscite Auditores ex particula parua consilij, & Ceruinæ prudentiæ genus uniuersum, generatim ego ea quæ maximè nota sunt proferram. Quid exponatur eius domus, & domicilium honestate fultum, honoribus munitum, stabilitum modestia, omni decorum genere decoratum. Quid eius Abstinencia? non modo quæ iucunda putantur ordinarijs cupiditatibus subtrahit, sed pascenti etiam naturæ, & imploranti necessitati denegauit. Quid pruden-

dentia? quanta cum dignitatē, quanta ratione, quanto cum ordine res suas perpoliuit. Quid autoritas? quam magnificē quā graviter, quā sæpe à Cæsare à Pontificibus summis laudatus est quacunque iter faceret per Hispaniam, Galliam, Belgium, Germaniam non incredibilis modò concursus ex agris, ex municipijs ex colonijs, ex vicis, ex domibus fiebant, sed suo penè aduentu quā nunquam antea visā, enasci, quā extincta semel reuiuiscere iterum Iustitia, Clementia, Mansuetudo videbatur. Quid humanitas? nunquam acerbus fuit, nec paulò quidē tristior ac seuerior nisi cū Christiani ordinis causa postulabat; neque enim in coutrouersijs multorum iudicandis, à multis diligifacilè est, neque in omnibus equè terrę partibus eodem lumine Sol nitet; nam si temperanter in montibus luceat, in vallibus idem tamen ęstus repercussu, denigrat, & succendit. Quid Sapientia? à Iulio Tertio Vaticanæ Bibliothecæ creatus Præfectus diligentior ne, an doctior fuerit ignoratur, dum optimis præmijs propositis multa ex Græcis voluminibus in latinum verterentur curauit, ratus, vt credo, si cum Græcis patribus latini consuetudinem haberent, græcam sibi quoque sanctimoniam mutuaarentur. Quid Pietas? religiosis familijs Augustinianorum, & Seruitarum Protector vigilantissimus præfuit, Religiosissimam animo de omnibus imbibit opinionem, religiosorum causas quasi aurum sic tractando, vt si minus auri prætium, colorem certe auri sumeret.

Quid

Quid diligentia atq; industria? cibus an ipsi fuerint libris an ipse libris cibus in incerto est. certè litteris sustentabatur, recreabatur, & inter labores assiduos, & quotidiana aulæ occupationes abdebat se in bibliothecā usq; magis à publicis negotijs feriendo, quàm cum inter multiplicem voluminum copiam librorum sibi quasi nundinæ haberi viderentur. Legerat de Philippo Macedonum Rege in maximis præliorum difficultatibus implicato à liberalibus musis numquam abfuisse, & in castris suis non minus excubasse belligerum Martis terrorem, quam Palladis litterariam mansuetudinem statua tenuisse. Quid fides? tot grauissimas legationes insuper Neocastrensem Eugubinum Episcoporum accepit tantà animi curà, tantà industria, & integritate tractauit, vt ad nullam rem aliam nisi ad officium integritatemq; eius curæ vigiliæ cogitationesq; laborarint. Et erit quisquam tam impius rerum ponderator, tam plumbeus, tam excors qui virtutum summam, dignitatum fastigium, ornamentorum apicem disciplinarum robur sapientiæ florem, Iustitiæ formam, autoritatis imaginem in Ceruino fuisse non fateatur? Nullius credo erit tam perturbata ratio, nullius tam refrenanda libido, nullius tam dissolutū consilium, tam intoleranda mens, tam turpis animus, nemo ad tantam stultitiam nequitiamq; peruenit, qui inuidiæ impetu officij, & veritatis repagula perfringens, deneget in Marcelliano fuisse domicilium virtutum Iustitiam assedisse, Prudentiam suscepisse causas, summam totius imperij Pietatem tenuisse. Ab hoc nimirum Vaticani Sacerdotij fonte in terrarum tractus

tractus omnes vitæ probitas, legum norma, morum effigies, mansuetudinis elementa, seueritatis robur, sanctitatis disciplinæ promanarunt. Quæ Sanctitas in tertium cadit orationis meæ caput dum cum Iustitia, & Prudentia in maxima pietate, ac religione, Marcelli quanta fuit ætas beatissimæ foelix adoleuit. Et quidem in omne argumentum pietatis, & sanctimoniam compositis, atq; effectus eluxit Marcellus, nec primam tantum cutem, & speciem quandam fucatæ modestiæ, & eruditæ simulationis, sed sanguinem ipsum ac medullam recti introspicere seque intra accipere desudauit. Vbi primùm in vitam, ac lucem susceptus est, res accidit non sanè spernenda neq; enim cantilenis vt assollet, & delicatoribus in canendo flexionibus, neq; crepundijs adduci poterat, vt vigilans lac sugeret, sed dormitanstantum, & quasi somni præstigijs lacte alebatur. facile vt arbitror iam inde augurabatur naturæ voluptates quas vigilantes, & effrenatis animi motibus indulgentes insectamur acerbæ esse, nec nisi cuiq; turpissimo capienda, ingenuas verò oblectationes putabat esse liquidissimas superùm voluptates, diuinarumq; rerum cognitionem quam contemplantes, & veluti à concretionem corporis seiuncti in Deo mente sopiti, ex Deo haurimus. quâ cognitione terrenarum rerum anfractus euitando in veritatis, atq; Innocentiæ tutissimo portu respiramus. Nihil igitur fuit illi præter pietatem dulce, nihil præter Innocentiam, suaue nihil præter sanctimoniam gloriosum, nullo alio nisi religionis lacte enutritus, corroboratus, adultus, nouus veluti Hercules ex diuinis vberibus epoto amoris lacte, lacteam sibi

viam

viam in cœlum insperfit, & multis veluti sideribus in-
 texuit sibi Galaxiam sanctitatis. Finge quid magnum
 si potes, in quod aut Ceruina non peruenerit Pietas aut
 non accesserit. Mediocria illa sunt, & vulgaria, mores
 facillimi, pietas erga superos; benignitas in suos, Iu-
 stitia in omnes, integritas in clientes, liberalitas in affli-
 ctos, diem vt ita dicam castè honestèq; transegisse, ipsi
 anteposuisse immortalitati. Illo illo autore, ac duce re-
 creata continentia, recuperata pudicitia, sedatę cedes,
 discordię repressę, aucta religio, restituta fides, propa-
 gata pietas, fundata veritas, diuinus cultus stabilitus
 amata parsimonia, frequentata temperantia, dicam
 planius illius seuerissima in primis constantia, vitio-
 rum regnum exhaustum, scelerum prouincię exina-
 nitę, heresum arces direptę, discordiarum domus euer-
 sę, lacerata improbitas, excisa simultas, exterminata
 crudelitas, dissipata malicia, turpissima monumenta
 adulteratę religionis deturbata, comminuta, afflicta,
 disiecta, spoliati homines vitijs, à Demone subducti,
 virtutibus ornati homines Deo sanctissimè consecrati.
 Quę cum ita sint non vereor quin aliquis audito Cer-
 uini nomine eius quoque honestissima facta suspicere
 possit, mihiq; magistimendum sit, ne multa maxima
 cum pietate acta pretermittere, quàm ne qua in isto
 excogitare existimer; non ingenium mihi credite ad
 eloquentiam, non eloquentia ad ostentationem, non
 ad vtrumque puerilis quedam temeritas conniterur.
 Sed quę dicuntur adeò veritati amica erunt, vt veritati
 potius eloquentia, quam eloquentiæ veritas defuisse vi-
 deatur. Age igitur quid dulcius Natura homini con-
 cessit

esset quam suos cuiq; affines, cognatos consanguineos. quid suavius homini humanitate datum est? si qui verò non sanguinis modo affinitate, quam sapientiæ cognitione copulenter, si generis excellentiam ingeniorum excellentia exæquet, qua tandem voluptate recipiendi erunt, quâ beneuolentiâ amandi, quibus beneficijs nutriendi? Res familiaris, & domesticæ fortunæ eo plus voluptatis asserunt, quo vberius affluunt, & quo celebriores sunt, eo illustrius quemq; perstringunt. deniq; ordo, dignitas, splendor, consuetudo quantum delectet, vel hinc intelligi potest, quod in ijs honoribus constituti de vita decedendum potius quam ex ijs tantisper recedendum esse arbitramur. At Marcellianus tam pius, tam seверо sacramento pietatis legibus adscriptus ut Alexandrum, ac Romulum germanos fratres perfectâ iam ætate adolescentes, & spectata Sapientia, ac singulari pietate cognitos, tenuissima pecuniæ aspersione enutriuere, quin etiam Pontifex creatus per epistolam seuerissimè admonuerit ne quis è nepotibus Româ veniret, & oblatas sibi gratulationis noë cū muneribus opimas significationes oïno respuerent, ut si Marcellum seueritatis velis reprehendere, nullibi magis q̃ erga se suosq; seuerum iure deprehendas. In pecunijs verò quem magis sobriū, ac temperatū reperiās? plane ut ipse reginam rerum pecuniam regere, nō ab ipsa regi videretur, in impēsis faciendis frugalitas summa, sūma lex, sūma religio, sūma decori existimatio, quin verò in magna inopia rei pecuniariæ cum Paulus illi apud Cæsarem opimum redditum, idest decem mille aureorum annuam pensionem procurasset, insolentem veluti;

E & im-

& impudentem censum auersatus Ceruinus libentissimè constantissimèq; recusauit. In dignitatibus ipsis nihil præter ocium minus dignum putauit, ex honorum constructo à se mellificio præter curarum thimum & sollicitudinum amaritatem degustabat nihil, magnos atq; vberes quæstus ex dignitatum fundo, si illum laboribus, ac negotijs exercuisset percipiebat; Mirà deum modestiâ, & continentia in magnis ordinibus is vixit, cuius voluntas, ac ratio ab omni fastu, atq; ambitione longissimè abhorrebat, nulla fuit prouincia, nulla Ciuitas, per quam iter faceret Ceruinus, quæ non in sui admirationem effusa publicè priuatimq; maximam vndiq; leticiam excitaret, cum ad illum veluti ad Aram legum, ad Iustitiæ Asylum, ad Veritatis cortinam, ad sanctimonie sanctissimum penetrale, ad Integritatis adytum, ad communis præsidij sacrarium confugere se posse existimarent, vnde illud etiam fiebat vt in homines probitate insignes, ac virtutibus nobiles, insignis planè Ceruina benignitas, ac nobilissima beneuolentia reluceret. delectabatur, scilicet Ceruinus mirum in modum optimorum virorum consuetudine, horum frequentiam adamabat, hos ad suum numerum libentissimè adscribebat, his eius patebant aures, in istorum familiaritatem penitus intrare flagrabat, in istos omnia sua commoda, iura, beneficia privilegia se ipsum omnino transferebat, & quamuis felices esse sibi viderentur omnes ij quibus præerat Marcellus, bonitate tamen insigniti perbeatos se ac fortunatos prædicabant. Admiramur luminum fontem Solem, curiosum, & plenum negotij principem, cun-

cta

Ita moderantem, cuncta ad se pertinere spectantem,
 hic autem ubi viciniora loca luce perstringit sua, mi-
 rum quam beatos illorum locorum populos, ac felices
 reddat. Multi istos impendentium nubium metus ex-
 terrent, nullæ exedunt ægritudines, multis incitantur
 ad hilaritatem opibus, incredibili deliciarum affluen-
 tia viuaces, ac florentes viuunt. Quare Insulæ illæ qui-
 bus Zona torrida impendet, idest, quæ ipsum ferme
 Solem attingunt, fortunatarum nomina retulerunt.
 videlicet in ipso nomine felicitatem legere est quam
 Solis vicinitas inscribit radijs suis vicinis suis. Ita planè
 in re nostra, Auditores, Ceruini beneuolentiæ, & pa-
 trocinium, nulli magis proximum erat, quàm hone-
 stis, & Religiosis hominibus, Insulis nempe è commu-
 ni vitiorum confinio secretis, istis tanquam Zona tor-
 rida impendebat hos propius complectebatur, in isto-
 rum felicitatem augendam, vigilantia, tutela, bene-
 ficijs totus excubabat. Nemo illi tamen tam consen-
 tientibus sensibus fuit quàm Ignatius de Loiola, is qui
 Societatis Iesu autor ac fundator Sanctissimus fuit; in
 hoc spem omnem delectationis suæ positam alebat
 Marcellus, cum eo inerat illi frequentissima, ac suauis-
 sima sermonis communicatio, sine huius excellentis-
 simo consilio, non labor, non requies, non negotium
 non orium, non res forenses non domesticæ, non pu-
 blicæ, non priuatæ, græte illi esse potuerunt, & sicuti
 Marcelli prudentia Paulo in tractandis negotijs brac-
 chium erat, ita Marcello Ignatij sanctas, & auctoritas
 mens, & animus putabatur. Leguntur Epistolæ quam-
 plurimæ vltro citroq; alterius ad alterum transmissæ, in

quibus quid iustè cogitandum, quid magnificè agendum, quid prudenter tractandum, quid forti animo sepeliendum sit, quid familiarissimè transigendum, deniq; cum pudore, gravitate, moderatione, integritate, fide, benevolentia, agendum reperitur. In Tridentina Synodo Iacobus Lanyes, & Alphonsus Salmeronius è Societate Iesu Apostolicæ Sedis Theologi præerant, quos, ut pote Ignatij Socios, ita tractavit Ceruinus Legatus, ita oculis animo complexu tenuit, cernere sibi ut in illis Ignatium videretur. Scitum est illud, quod proverbij loco circumferetur, condimentorum omnium suavissimum esse ignem, quare Ceruinus ex huiusmodi focijs Ignatij tanquam ex igniculis ex Ignatio decerptis condimentum negotijs suis oïbus suavissimè vsurpabat. Accidit aliqn̄ in colloquio, ut Ceruinus, atq; Ignatius post multiplices insertos sermones, in Societatis mentionē delaberentur, aiebat Ceruinus Ecclesię feracia Sacerdotia ac splendidiora Episcoporum vocabula conferenda vel in primis esse in hoies per magnos, natura ipsa moderatos, doctrinà, atq; optimarum artium studijs eruditos quiq; demũ præesse potestati posset non quibus præset potestas. Quomobrem nihil fore Ecclesię salutaris, nihil oïum cōmodis vtilius, nihil Societati magnificentius si ex ea (in qua enata pietas cum maximà litteraturà radices inseruisset) tanq̄ ex generosa pullorum sobole Gallilegerentur, qui sobrietate industria, vigilantia suam oēm curam cogitationemq; in popularium suorum salute, ac fœlicitate collocassent; se quidem iam dudum esse in ea sententia, curaturum pro virili parte ut è Societate quo pluresco

se gloriosius triumphaturo letitia, in Episcoporum numerum perueniant. Hic Loyola nullum prætermittens officium veri, ac prudentissimi Imperatoris ostendere actum fore de sua legiuncula, si primipili, hastatiprimi alio deficientes transcribantur: neque verò honorum lautitia saginandos esse illos homines, quos paupertatis atq; indigentię ob Christum succensa cupiditas ex ipso honorum ac dignitatũ gremio abstraxisset. Cæterum primũ nascentes ac serpentes riuulos, non nisi minimo sono labi oportere. Hunc in modum re dissecta disputandi finem faciunt, disputationem hanc multis deinde aperit Ceruinus affirmatq; fuisse oĩno oppressas fauces defensionis Ignatij, nisi eius vna tantummodò auctoritas respirasset. vtrumq; suam causam perorasse se quidem rationibus illum auctoritate, cedant tamen seu potius pareant eius auctoritati rationes meę, cũ istę plerũq; ex humano illa ex diuino ferme fonte profisciscatur. Tanta deniq; ei fuit obseruantia erga Ignatium eiusq; patres omnes Societatis Iesu, isti vt apud illum non modò Iesu nomen, quàm rein ac numen tenere viderentur; nec primũ Pontifex acclamatus fuit, quàm Ignatio eiusq; socijs quotquot Romæ numerabantur ad se ascitis, vbi de more post pedis exosculationem fausta illis bene dicendo precaretur, hæc in verba prorupit. Tu bellatores propone, nos disponemus. Venit in mentem somnij illius, quod instinctu, atque afflatu diuino accidisse sacræ litterę testantur. Dormienti Iosepho visi sunt in agro fratrum manipuli cernui, ac in venerationem proni suum erectum manipulum adorare honoresq; diuinos præferre.

Iterum

Herum per quietem idem vidit eandem in se religio-
 nem, ac decus à Sole Luna, ac vndecim stellis declara-
 ri. Horum Oraculorum veritas regnum quidem Io-
 sepho, non nisi tamen per futuram à fratribus suffra-
 gationem insidiarum, & intentatæ mortis discrimina
 portendebant. erat id quidem præfagium summi splen-
 doris quem illi Ægyptus pollicebatur, sed huic lumini,
 fortunæ altitudini quasi cœlestibus quadrigis vehenti-
 bus transuersè incurfura erat calamitas fratrum, inui-
 diæ motus longè omnium acerrimus, & postrema
 malevolentia, quæ deinde infanti Iosepho tot periculo-
 rum fluctus, tam periculosam mortis procellam exci-
 tauit. Quis gentilitum Ceruini manipulum, ac spica-
 rum insigne fasciculum ignorat? cuius aut oculos aut
 aures Cerua illa inter ternos spicarum manipulos cu-
 bans præteruolat? Erigitur enim uerò hic manipulus
 in Pontificium numero consecratur Marcellus, adsunt
 Ignatii socij quasi supplices manipuli, Marcelli vene-
 rantur Manipulum, loco numini reuerentur, atq; ado-
 rant, quid ni omnes Iesuite id agerent quod omnes or-
 dines orbisq; vniuersus Marcelli manipulo deinceps,
 sed paucissimis proh dolor diebus exhibuit. Adornat
 interim, & instruit Marcello mortis inuidia ingraue-
 scientem morbum, mors mortem parat, & vix in glo-
 riarum viam ingressum Marcellum marcens lues pol-
 luit, vt vestigium vltro faciat prohibet, iuber vt cadat.
 Cecidit quidem ille, non tamen dicis idcirco Societatis
 in Ceruinum obseruantiam aut Ceruorum in Socie-
 tatem benevolentiam concidisse; etenim non multi de-
 in circumacti sunt anni cum Ricciardus Ceruinus, &

Robertus Bellarminus, alter ex fratre, ex sorore alteri Marcelli nepotes Societati Iesu nomen dederunt, ut quoniam Marcellus Societatis, ut ita dicam Dictator humanissimus excefferat, ipsi nepotes duo veluti Consules suffecti sanctitatis nota insignes, & sapiëntia singulari conspicui, nunquam intermorituram Auunculi memoriã legitimi tutores stabilirent. Theodosius clarissimus, ac religiosissimus Imperator cum tamdiu imperasset, quamdiu bene beatèq; imperasset, cessit è vita duosq; Augustos filios Archadium, atq; Honorium reliquit, qui defuncti parentis viventem spirantemq; in se expressam imaginem sanctissimè, atq; honestissimè actà vità propagarent, & quòd ex defuncto Theodosio quasi ex extinctà præclarissima voce populis omnibus expirauerat, id in Theodosij geminis filiis quasi in geminati percussus Echo populares omnes exaudierunt. Ita planè triste desiderium autoritatis, & beneuolentiæ, quod extinctus Marcellus Societati reliquerat, id in geminis nepotibus Roberto, & Ricciardo placidissimè confedit dum non solum Auunculi germanam pietatem in se ipsis expresserunt, sed illius etiam erga Societatem ipsi in Societate beneuolentiam tutelamq; renouarunt. Verum ut diuinis testimonijs potiùs, quam nobis dicentibus adhibeatur fides, illud memoriæ prodamus quod in Lauretana Aede contigisse Ceruino Lauretana affirmat Historia, qua in re gloriosam, ac memorabilem illus pietatem apertissimis argumentis æterni Mater filij comprobauit. Iulio Tertio Pontifice, vel forensibus fractus laboribus, vel diuturnis negotiorum molibus debilitatus,

rus, vel ad omnium sibi suauissimam quietem invita-
 tus Marcellus, ad Montemfanum in Piceno se recepit,
 eo consilio, vt Lauretanę Virgini propior ex eo Mon-
 te pietatis egregiā vigilantia Virgini excubias faceret,
 vel eidem Virgini cui se iam totum penè adolescens di-
 carat, beneficiorum, ac perpetuę tutelę reus votiuā ibi
 quasi tabellā penderet, atq; vt vicinitas frequentem op-
 portunitatem dabat, accidit vt rem diuinam ibi faceret,
 interq; sacrificandum (res creditu ardua, nisi multo-
 rum oculi facilem illi fidem pręstitissent) miri cando-
 ris Columba huc illuc circa illum volitare, tum circum
 caput ire, tum in dextra ac sinistra manu prono cor-
 pore molliter accubare lætitiā mirā volatus ameni-
 tate incredibili pręferre cum primò adstantes in ad-
 mirationem suauem versi essent, mox ad molestiam
 auertendam omnes simul, & Minister imprimis, qui
 sacrificanti pręsto erat veluti alter Abram abigere vo-
 lucrem è sacrificio cępit, solus Marcellus non ignarus,
 vt arbitror, Columbas aliquando Tabellariorum vice
 Epistolas huc illuc attulisse, ne expellatur ales vetat;
 quid enim si à Cœli Regina Tabellaria columba mit-
 tatur ac Marcello Pontificis Sedes Petriq; regimen de-
 nunciatur? rem hanc res deinde alia tam facilè veram
 fuisse testata est, non vt fateri solū, sed profiteri vo-
 luisse videatur. Moritur Iulius, Romam ad Pontificia
 comitia reuocatur Marcellus, neq; prius dat se in viam,
 quā Virginem Lauretanā visendam, quæ sibi non
 in Pontificatum modò, sed in Cœlum etiam viā expe-
 ditissima patere par erat. Agebatur tum anniuersarius
 dies quò die Annunciata Virgo suo prono in obedi-
 tiam

tiam verbo, Dei Verbum carne ita irretiuit, ac sepsit ut homo Deus tanquam rete ad immortalitatem expiscatos mortales euinciret. Marcellus ibidem Missæ sacrificium exorditur, pro nouo seligendo Pontifice votis omnibus ac precibus præcatur Deum. quid plura? vix mediū peregerat, cum repente totum sacellum nutare, Ara contremiscere, ipsum timoris Deum augustissimū venturum facile credidisses, venientem libenter. Hinc in præclarissima specie Dei parens videndam sese offert, Ceruinum recreat mirificè, nouum illi Pontificatus apicem pollicetur. hic ut primò sese ex altissimo timore recepit, beneficium recentissimum gratissimè memorià compensans, per publicum scribam refert in codicillos se Summo Pontifice suam fidem obligatam velle, ut ad Lauretani fani splendorem Clericorū numerus amplificetur. Patres Societatis Iesu (quo fontium plures ad Virginis clientelam traducantur) plures quàm tunc essent numerentur. ipsum Municipium Laureti, ciuitate recentè extructa ciuitate donetur, ut nimirum cœli Virgo, quæ eo in loco dum Deum hominem concepit veluti diuini Solis Ciuitas fuit, ciuitate à Ceruino grati animi monumento illustretur. Num igitur hac in re perspecta Auditores, de Ceruina pietate tam nota, tam testata, tam magna, tam manifesta, tam præsentī Virginis præsentia, ac manu consignata dubitemus? ut quo in loco, ut ita dixerim, æternū illud Senatus Consultū factum est, ut Maria Deum filium pareret, referente Gabriele Archangelo, idq; incredibili Deiamore, ac mortaliū bono comprobatum, eodem in loco, ipsa Maria referente, Marcellus Mariæ filij Vicarius, idest Mariæ

F adoptiua

ad optima proles Summus Pontifex crearetur. Quis non omnia eximia huic viro abscribat? quibuste parem laudationibus faciam Marcelle Sanctissime, quem omni sanctitate maior Regina Maria salutat? quod nam laudum monumentum, quam tibi celebritatis Aram constituam, cum tibi ipsamet Christi parens suis penè manibus Pontificatus immortalem molem construxerit? Erunt erunt de hoc incisæ hominum mentes, tanquam litteræ mirabilis pietatis tuæ testes sempiternæ nunquam de te admiratio, nunquā gratus hominum sermo conticescet, quando tui sanctimoniam de cœlo delapsa, cœli Sanctissima Regina declaravit. Festina igitur in Urbem, Ceruine, non ambitiosa sollicitudine anxius, sed de promissa dignitate securus, Ecclesiæ tibi principatū, non Chaldæorum natalitia prædicta, aut in te benigni stellarum motus, sed cœlorum ac stellarum flammis prælucentibus coronata Domina referuauit. Tali igitur Virginis tessera munitus Romam venit, in Cardinalem Senatum intrat, & ut magnum, ac periculosum quoddā negotiū ultro se se dedit, magnū ac virilem animum solus ipse planè vir ostendit negotiū fuit huiusmodi. Heluetij milites (ij sunt, qui pontificio lateri stipatores, atq; apparitores adsunt) cum suo, nescio quo seditionum nutricula, duce, qui ne ad punctum quidem temporis, sobrii hominis cogitationem assumere consueuerat, tumultuare, furere simul cæperunt præter morem legesq; gentis, cō quod illis ob angustiam pontificij ærarii stipendium non numeraretur, res peruenerat non ad concursum modò ac strepitum, sed prope concitata seditione ac discordia, procacissimis verbis sa-

cros Patres laceſſere, in foribus obſidionem inſtruere, direptiones, ac vexationes, peſtes importuniſſimę intente. Ad tam inſolentes hominum conatus audaciãq; comprimeydam, cuius nam celeritas, cuius magnanimitas ac virtus in promptu ſit? Adeſt cum duobus Cardinalibus Marcellus, quibuſtimore eximio percuſſis, ac vix reſpirantibus, in medium prodir, tanquam flagrantiffimus Sol ad illam ſeditioſorũ nubem diſſiciendam. Enimuero, inquit, non impunẽ tanta ſe ſe extulit audacia, ſi nescitis trium hic noſtrũ alter actutũ Pontifex pronunciabitur, hic quiſquis erit contra veſtrũ hoc immane temeritatis ſcẽluſ acerrimus Iudex erit. Recruduiſet hic alioquin Helueticę ſeditionis vulnuſ, niſi Ceruinę grauiffimo vocis ſono percuſſum obmutuiſſet, in genua ſupplex procũbunt, feciſſe ſe temere, ſe improbos, cõtaminatos, flagitioſos, auariſſimi animi, infamis animę fuiſſe, ingratiffimẽ prolapſos, dignos qui ex hominum numero exterminarentur niſi delicti veniam peterent ab ijs quorum clementia nullis ferẽ niſi pietatis ac miſerationis ſepta terminis coercetur. neque tantos animos iniuria quauis excogitata hauriri vnquam poſſe. Quid hic magis miremur? Auditores, an Marcelli diuinam ac formidoloſam omnibus contra fulgentes gladios autoritatem? an Pontificatũ, quem ſuo ſibi vocis certiffimo oraculo diuinavit? diunitus Põtifex eligitur, in quem oĩum ſuffragia conuolarunt, ſed nimirũ Aprili menſe Ver hoc ſcẽlicitatis perbieue Terrarum Orbi aperitur, quo in menſe nitidiſſimi flores orti occidunt, aucti cõſeneſcunt. Agebantur tunc temporis meſſiſſimi dies in quibus Eccleſia optimo ſuo parẽti paſſo

Domino, lugubri ac lōgo apparatu parētat. Marcellus cum de Pontificum more sacris perpetuò interfuisset, & Resurgentis etiam Domini celebritatem assidua ac suauissima pietate interfruendo etiam profecutus fuisset ignarus suam illam inter sacrificandum vocem cygneam esse, seq; breui cum resurgente Domino triumphaturum, caput ei primum condoluit, sudoreq; multo cum cohoruisset cum febris in lectulum redijt. Sed videte in fragili, ac fallaci mortalium fortunā, Marcelli magnanimitatem, atq; constantiam: decem ipsos dies antequam confumeretur, omnibus facillimum aditum auresq; libentissimas accomodauit diceret à Ceruino Sole, dum in occasum ac mortis noctem vergit, præclariore pietatis ac mansuetudinis virtutes, quasi sidera de promi. itaq; pridie quàm moreretur longissimum sermonem cum Alexandro Farnesio grauissimis de causis protraxit, vt quemadmodum mea fert cogitatio, à Farnesio Principe quinque dignitatum talenta acceperat, quina alia Pontificatus facta accessione mercator fidelissimus restitueret. Demum decimo quo laborauerat die in Solis exortu, primo diluculo inter Iesu, ac Mariæ. s. inter æternæ Auroræ Solisq; duas manus Spiritum suum moriens commendauit. O imbecillitatem fragilitatemq; humanę fœlicitatis? cuius fastigiū quò magis propositum, atq; in altum editum est, eò vehementius ab omnibus inuidiæ, & calamitatis ventis circumflatur. Sanctissimus Pontifex omnium secundissimis votis, meritis suis ad pontificatum euectus, dum multa de omnium salute, multa de utilitate Christiani ordinis cogitaret, & decerneret; in medijs tantarū molium

lium meditamentis à morte oppressus est non oppri-
mentur quidem sanctissima eius facta atque consilia,
quæ licet illo viuo nec omnino ab omnibus probata fue-
rint, illa tamen exploratissimo Iudicij tempore dum
mortuus, homines audaciores diuina, atq; immortali-
tate donanda esse censuerunt. Reperta est in Marcelli
arculis scheda quædam sua manu descripta, summa rei
eò spectabat. creare se velle nouum quendam equitum
ordinem, adiunctis illis, qui Sancti Petri Equites vulgò
nominantur. Eorum Magister summus atq; Impera-
tor esset ipse Pontifex Maximus, Romæ domicilium su-
um figerent, clarissimum stipatum, & custodiam Pon-
tificijs turremibus, vel ad Ecclesiasticos fines Sicariorum
aut infensorum hominum audaciam, ac depopulatio-
nem propulsarent. Nouum singulare præsidij genus
excogitatum, amplissimum sanè non in Vrbe modò,
sed in terrarum Orbe clarissimum monumentum Cer-
uine magnanimitatis, liberalitatis, splendoris. Credo ab
illo Ceruorum exercitum scribi voluisse, qui sub Ponti-
fice Summo, idest fortissimo Leone, dimicantes, ter-
rore pugnarent, autoritate vincerent, aspectu profliga-
ret. Vel talem exercitum ideo in extremo vitæ actu
conscribere voluit Marcellus, vt intelligeremus Impe-
ratorem talem occumbere, cui perenni cum plausu ac-
clamari deberet, reddiq; illi honores necessarios. posse,
debitos non posse.

L A V S D E O.

46
FRANCISCI MARIE CERVINI.

*Marcelli Pontificis pronepotis,
De Insignibus Farnesiorum, & Ceruinorum.*

EPIGRAMMA.

FLAVENTES inter recubans mea Cerva Maniplos
Solum dat Cereris munere posse frui.
At tua designant, Farnesi, Cerula Cælum
Lilia, & in astrifero gramine Vere frui.
Aut igitur mea Terra tuo sit munere Cælum
Vel placido in cælo Viuere posse tuo.
Non ingrata peto. Cereris nam terra, Iouisq;
Cælum est; non inter numina munus iners.

CARMINVM SERTVM
Aliquot Politianorum Adolescentium.

AD ILLVSTRISSIMVM *PRIN-
cipem Odoardum Farnesium S. R. E.
Card. Ampliſſ.

FRANCISCI RICCI.

ASTRORVVM vigiles oculi si nocte serenas
Excubias calo conficiunt, prohibent
Ne in cælum penetres. animi tua sidera Princeps
Te Cælum cunctis dum referunt referant.

VER

47

JOLY

VERGILII BENCIL.

ASPICE prata nouo dum flore decentia regnant
Aestatis calido victa vapore cadunt.
Lilia pallenti folio tremebunda labascunt
Nam flores omnes sic breue tempus habet.
At tua cum caelo conspirant Lilia Princeps.
Cerula sunt: vincent tempus, odore rosas.

FRANCISCI BRACCII.

NOmen, & omen habes animis fatale regendis
Farneſi: Paulus rexit, & ipſe regis
Ille ſed imperio, tu dulci mente; ſenecta
Ille graui, tu cum prima iuuenta viret.
O Pauli proles generoſa, in peſtore Paulum
Si generas oriens, quem referes moriens?

BERNARDINI PACICHELLII.

TE quoties, caelum toties mihi cernere dixi,
Et prope tam Solem, quam prope cerno diem
Farneſi mihi purpureos ſi pandis amiſtus
Aurora, & Caelum Sol mihi, & vnus eris.

MAR-



MARCELLI CERVINI ORATORIS.

Alma Ceres flauas terris profudit aristas
 Lilia Iunonis lacte fuere sacro.
 Ceruini seges , & flores Pauli , utraq; cæli est
 Dos quam suspexit , Sol Oriens , moriens .
 O quoniam cæsa est Ceruini messis ; odorem
 Farnesi spirent Lilia ; dius ero .

F. M. D. A. S. T.

VIDI ego sidereas equitare per ethera flammæ
 Et Lunam circum spargere nocte dies .
 Quàm bene tum dixi Farnesia stemmata cerno
 Quam maiora parit lumina tanta domus ?
 Maieestas Pauli , Marcelli gloria , Luna
 Clara magis , solis lumine clara magis
 Quod si Odoarde tibi proles Ceruina quasi astra
 Grata micet . quam sortem ambitiosa petas .

F I N I S .



ERRATA SIC CORRIGE.

Pag.	Ver.	Errata.	Corrige.
3	17	testimonis	testimonijs
5	6	patria	patrio
7	21	pupullarunt	pullularunt
8	22	deferre	deferret
9	25	rusticans	rusticanis
13	11	illam	illum
18	12	celeritatis	celeritas
13	26	oportare	optare
19	2	principium	principum
19	19	transmitti	transmittit
20	12	illis	illius
20	27	pænarum	pænorum
21	25	senarum	Senatum
24	18	gaudo	gaudio
24	27	clauderentur	clauderetur
25	3	versatus	versatur
25	13	propositus	propositurus
26	19	Ecclesia	Ecclesiæ
26	19	decus	dedecus
26	23	decòre	dedecore
29	13	controuersijs	controuersijs
30	4	quotidiana	quotidianas
30	25	peruenit	perueniet
31	8	compositis	compositus
38	13	gentilitum	gentilitium

numini

38	19	<i>numini</i>	<i>numinis</i>
39	27	<i>illus</i>	<i>illius</i>
40	17	<i>Abram</i>	<i>Abraham</i>
41	23	<i>profligaret</i>	<i>profligarent</i>
47	5	<i>habet</i>	<i>habent</i>
47	15	<i>pacichellij</i>	<i>paciuchellij.</i>
48	8	<i>.T.</i>	<i>.I.</i>